

manu, semi sempri ben'accolti. N'ani vistu i nostri casi siratini d'istati in puntinu, è notti d'inguernu à u fuconu. Qualsiasi a staghjoni, i nostri quattru cuntadori sò sempri à l'appuntamentu. Di veranu è d'istati, Ghjuvanna accendi un focu fora, Unurata porta i chjarasgi o i fichi. Di vaghjimu è d'inguernu, Paulu Antoni accendi u focu in sciaminè, è Maria Santa arrega fritteddi di farina castagnina o u ficateddu chì arrusta nantu una grisgedda in u caminu.

Sò sempri pronti à cuntà ci foli. Certi si còmpani bè, d'altri sò sanguinosi è pà un pùbblicu avezzu. Ma tutti l'invitati prisenti vi pudarani dì ch'eddi t'ani spalancatu l'ochji quant'è finestri nantu à u passatu.